



Март 21 28/11 97

"Йомартле койышан, чатката Валюкна,"—

ойлат Моркышто
радиожурналист В.Демпелева нерген

МОРКО урем дене чаткан ошкылыш удырамашым ваштареш толшо вес удырамаш чарен шогалта: "Валентина, полшо, эрла удырем марлан лектеш. У мужыр лумеш ик сай мурым колташ йоднем ыле". Валентина Ивановна мо кӱлешым возен налешат, йодын пелешта: "Удыретшым кушкыла ужатет? Мыят ынде кок уныкан кова лийынам. Ужат, жапше шошо вӱдла йоген эрта".

Тыге шуэн огыл мемнам, журналист-влакым, калык ой-пидыш мундырам рончаш тарата. Возгалыше йыр южгунамже тутан мардежат "пӱрдеш", кунамже "шолемат кыра" — чыла чыта журналист. Кунам у репортаж, очерк чон гын "шыжалт" лектыт, тунам пуйто куан сескем волгалт чӱкталтеш. Радиожурналистынат тыгак. В.И.Демпелева, Морко радиопередачым ямдылыше да вӱдышо семын калык коклаште ынде сайын палыме. Тудо кажне передачыштыже пуйто шкеже ила. А кузе уке гын? Арнялан кум гана йонгалтыше коло минуташ передачым шкетын ямдылаш куштылго огыл вет. Тудо — шке-жак репортер, редактор, диктор, режиссер...

Радиопашаш шогалмыжлан Валентина Ивановна ок ӱкынӱ. "Тиде профессий "мортанаш" ок пу. Эре йол ӱмбалне лийман, куржталман. Такшым пӱджвӱд деч посна кинде суку-

рат ӱстембаке толын ок воч", — воштылалеш В.И.Демпелева.

А нелылыкше, манмыла, лынак логалеш. Тачысе жаплан районысо радиоотделын чапле студийже уке. Аппаратураат пыкшерак гына "шӱла". Районысо администраций полшаш эреак ямде, но шотан магнитофонжо кызгытеш уке. Республикыште ондак "Илеть" магнитофон чапланен ыле. Но тудым лукшо заводшым тенийсе саман ишыктыш. Кызыт районысо радиожурналист чарашке луктын колтымо имне дене иктак. Мыйын шонымаште, студийысе арверым кычалме шотышто могай-гынат рӱдер кӱлеш. "Мартелком" АО пелен, мутлан, районысо студийым пойдарыме шотышто отделим ышташ ок лий мо? Вет ты акционер обществын, манмыла, йӱнжӱ да праваже кугу.

— Материалжымат погет, но передачым возаш тӱналмек. Южгунамже вӱрет шолаш пура, шонет. Кызытсе "Тембр" магнитофон дене шонымо семын пашам ышташ ок лий. РУЭС пашаен-влаклан тау. Нуно шуко полышым пуат, — манеш В.И.Демпелева.

Валентина Ивановнан редакций пашаш ушнымыжлан кумло ий шуэш. Ятыр жап "Колхозный правда", вара "Морко мланде" газет редакцийште корректор семын тыршен. Тидланже йылмым сайын палыман.

Валентина тачат Советский районысо Руясола школлан таушта. Тудо руш да марий йылмым сайын тунемын. Тыштак селькор пашалан шӱмангын улмаш. А полшенже тӱналтыш ошкылым ышташ республикынан лӱмлӱ артистше И.С.Никитинын ачаже, Семен Иванович. С.И.Никитин шке жапыштыже тӱрлӱ мер пашаште тыршен, газетлашке возен шоген.

Валентина изинекак чыла пален налаш тыршыше ӱдыр кушкын. Ешыште шкет шочшо лийын гынат, нелын иленыт. Аваже чӱкчыдын черланен, сандене тӱн сурт сомыл ӱдыр ӱмбаке возың. Капеш шушо Валюк варажым Йошкар-Оласе культпросветучилищыш тунемаш пурен. Тунем пытарыме ий мучаште аваже, Анастасия Ивановна, уке лиеш. ӱдыр направлений почеш Морко поселкыш толеш. Тунамсе калык театрын режиссержо Н.П.Алексеев Валентиналан "Салика" спектакльым шындаш полшаш темла. "Ала сайын, ала удан ыштенам, ынде чылаже омаат шарне, но сцена куандаренат, ойгандаренат моштен. Туге гынат режиссер паша ала-молан чонешем ыш пиж. Тылеч вара редакцийыш пашаш пурышым", — шарналта Валентина Ивановна.

Редакцийын шымлымше ийласе коллективше шке шотан пашаенже-влак дене ойыртемалтын. "Ом пале, кузе тыге лектын, но мыланем утларакше Вачий лӱман журналист-влак дене ышташ логалын. Кажныже шке шотан лийын. Василий Ефимов пеш поро айдеме ыле, эре гаяк шыргыжын. Василий Атабаевын кусарыме материалже почеш паша кечем тӱнгалынам. Радиожурналист Василий Миронов мыскараче айдеме семын ушеш кодеш. Тудын йолымачшак онай почеламут корныла шыжалт лектыт. Мый тунам Миронов дене пырля радиошто диктор семын тыршенам. Кызыт илыш йӱсылан кӱра "Морко мланде" лудшо деке арнялан ик гана веле миен шуэш, сандене верысе радион кӱлешлыкше ятырлан кугемеш. Кертмем семын мый тӱрлӱ онай увер-влакым погаш тыршем. Вет йонгалтыше кажне мут ег-влакын эрласе кечыштан ӱшанле эм семын лийын кодеш", — палемда радиожурналист В.И.Демпелева.

Валентина Ивановнан ныжылгылыкше шыратен ончышо кечыйлогай. Илыш тудым озырган мардеж семын лупшен гынат, 50 ийым темыше юбилярна ончысыжлак йытырлыкшым арала, сылнын йонгалтыше йӱкшӱ дене эр еда Морко калыкым саламлен вашлиеш. Ончыкыжымат пашат ушнен шогыжо, пагалыме Валентина Ивановна! Морко памашла ташлыше кумылет эше ятыр жап калык чоныш шыныже!

Виталий ГОРШКОВ.

Снимкыште: радиожурналист В.И.Демпелева.